



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 57. Perfida Gallorum vindicta contra Saxo-Zeitsiensem Cardinalem.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. A. C. 1704. men ab Augusto Rege obfessa, ac post
biduum dedita una omnes die quinta
capti fuere, & Episcopus, uti retulimus,
Horatio Papæ Nuntio traditus est. Horum
fata vindicaturus Sueciæ Rex, cum exercitu
suo Varsaviam movit, atque in Polonia majori
Augustum insecutus, in toto certamine eum fudit,
ac Dresdam usque profugere compulit.

§. LVII.

Perfida Gallorum vindicta contra Saxo-Zeitzanum Cardinalem.

Vit. Card.
t. 1. p. 335.

Ea erat tum temporis Gallorum in-
temperies, ut varios Principes le-
nociniis, promissis, & minis ad suas
partes, factionemque pertrahere haud
contenti, etiam hos, quos vel neu-
trius partis studiosos scirent, vel sibi
adversos suspicarentur, pro hostibus
haberent, proin vel aperta violentia,
vel ficariorum ope clam e medio tol-
lendos censerent. Haud ignorabant,
quod Cardinalis Christianus Augustus
Princeps Saxo-Zeitzanus, Episcopus
Jaurinensis, ac Cathedralis Ecclesie
Coloniensis Præpositus a Cæsare ad
Coloniensem Electorem ablegatus, eun-
dem a fædere cum Gallis ineundo ab-
sterrere molitus esset, & contra captam
Kaiserwerthæ possessionem nomine to-
tius

tius Capituli Coloniensis reclamans, a Sæc. XVII. Leopoldo Imperatore Administrator nominatus fuisset: occasione inde arrepta, A. C. 1704. Crucius seu *La Croix*, qui in ea regione agminum ad clancularias hostilitates excurrentium Ductor erat, prætentam hanc injuriam violenta Cardinalis nece ulcisci statuit: Igitur tres Duces unacum duodecim Gallis militibus clam in Urbem Coloniensem immisit, eisque in mandatis dedit, ut Cardinalem, dum rei Divinæ interfuturus ad Carthusianos procederet, in vineis adorirentur, eumque vel vivum, vel interfectum Lovelarium ac inde Luzenburgum abducerent. Ast Deo unctorum saluti invigilante, detestabiles hi sicarii per Jacobum de Coulon sceleris complicem ex conscientiæ remorsu tempestive detecti a Magistratu in vincula conjecti sunt. Reclamat audacter Crucius, id belli legibus licitum esse caussatus: cum autem Sicarios, ut atrocissima quæque facinora in innoxios exequendi occasionem nanciscantur, sub pacifici ingressus obtentu in urbes irrepere, nulla lege permittatur, hinc novem ejusmodi sicarii perfidiam suam, barbariemque partim publico securis ictu, partim laqueo luere coacti sunt.